



Prva svjedokinja Tužilaštva BiH pod šifrom S1 dala je iskaz na suđenju Srpku Pustivuku, ali iz druge prostorije i bez prisustva javnosti. "Ona zahtijeva da bude u drugoj prostoriji jer ne želi da bude zajedno u sudnici sa optuženim jer je on nanio zlo njenoj porodici. Njen muž i sin su nastradali." kazala je Vesna Ilić, tužiteljica Tužiteljstva BiH. Ove mjere zaštite za svjedokinju odobrilo je Sudsko vijeće na prijedlog Tužiteljstva BiH , kako bi se zaštitio njen kao i identitet drugih svjedoka koje bi spomenula u svom iskazu. Srpko Pustivuk, bivši pripadnik Stanice javne bezbjednosti Ilijaš tereti se za ratni zločin protiv civilnog stanovništva. U optužnici stoji da je 29. maja 1992. godine sa pripadnicima vojske i policije sudjelovao u ranjavanju i ubistvu civila u jednoj kući u selu Gornja Bioča. Od prisutnih u kući tražio je da predaju oružje, a jedan muškarac je ,nakon što je predao pušku, izveden u dvorište i ubijen, prenosi Birn.

Izvor: www.ilijas.ba